



HASATIL

HAMETIN AGRIKULTURA SUSTENTABEL TIMOR LOROSA'E

Rua. St.Antonio Motael – Farol, Dili
Telf. (+670) 77287429 E-Mail : hasatil@sapo.tl

SUBMISAUN BA KOMISAUN C PARLAMENTO NASIONAL

A. Introdusaun

HASATIL (Hametin Agrikultura Sustentavel Timor Lorosa'e) nudar organizasaun sumbrinha ne'ebé hari hodi promove "agrikultura sustentabel" ho filosofia servisu ba konserva rai, be, fini no matenek local ne'ebé Timor Leste iha. Hahu husi rede ne'e hari to'o agora hamahan ona organijasaun naun govermentais hamutuk 34 nebe despailha iha distritu 13 nia laran hodi promove vijaun no misaun organijasaun nian iha implementasaun atividades ne'ebé sira idak – idak halao iha sira nia area.

Atu haforsa papel no importansia husi exixtencia organijasaun nian, nune'e liu hosi mekanismo ne'ebé iha, difini area intervensaun servisu ha'at (4) maka sai nudar alvu orientasaun hodi kontribui ba prosesu dejenvolvimentu seitor agrikultura iha rai laran liu hosi reprejentasaun membru sira nian iha nivel nasional nomos ho kooperasaun no relasaun diak hamutuk ho Parseiru Desenvolvimento sira iha nivel nasional, regional no internasional. Area hirak ne'e mak hanesan : Eduksaun no Pesquija, Advokasia, Organizasional no Mobilijasaun nomos Produsaun Merkaduria.


Hanesan Organijasaun ne'ebé fokus iha area servisu Agrikultura sustentavel, nafatin kontribui iha prosesu dejenvolvimento seitor agrikultura ho komitmentu to mak no rekursu ne'ebé organijasaun iha atu nune'e bele kontribui ba hadiak ekonomia nasaun nomos ekonomia familia agrikultor sira nian ne'ebé nudar populasaun maioria iha rai ne'e no kontribui mos ba atinji objetivu principal husi planu estratejiku dezenvolvimento nasional 2011 – 2030.

Maibe ho reflesaun ne'ebé bajeia ba prosesu dezenvolvimento seitor ne'e rasik durante decade hirak nia laran hatudu katak seidauk iha atensaun masimu hodi lori mudanca ruma husi prosesu hirak ne'e, ho nune'e ami mai ho hanoin hamutuk balun ne'ebé ami konsege formula hosi rejultadu observasaun direita ba terenu, diskusaun no analija ba dadus relevantes sira hamutuk ho reprejentante membru sira tomak hodi formula hanoin hirak ne'ebé iha hodi hato'o ba Ita Bo'ot sira nudar sujestau hosi alternativas balun atu bele fo hanoin ba haforsa liu tan Politika no planu implementasaun iha prosesu dezenvolvimento seitor agrikultura.


Observasaun Jerál Orsamentu Jerál do Estadu 2021 ba Setór Agrikultura

- Total Proposta Orsamentu Jerál Estadu 2021 Billaun 1.895
- Ba Ministériu Agrikultura no Peska Millaun \$31.964 (1.69% husi total OJE 2021)
- Ba Setór Agrikultura tomak (inklui Infrastrutura, Munisipiu, RAEOA no FDCH) millaun 40.968 (2.16%).

Alokosaun propostaOJE MAP 2021 tuir Kategoria Orsamentu



Alokasaun OJE MAP 2021 bazeia ba Programa boot



Maske orsamentu MAP tinan 2021 aumenta uitoan maibé iha gráfiku hatudu nafatin alokasaun ba mákina do estadu sei boot nafatin to 34% no alokasaun ba oinsá hasa'e produtividade no produsaun ho montante 35% ida ne'e hatudu katak atividade barak seidauk refleta didi'ak ho kondisaun atu hadi'ak duni povu agrikultór sira nia moris. Tanba ne'e Hasatil kontinua ezizi ba Parlamentu nacionál atu diskute didi'ak no tau hela atensaun ba alokasaun OJE 2021 liu – liu liga ho programa/atividade sira ba hadi'ak agrikultór nia moris.

Alende hare ba atividade tomak MAP nian la investe didi'ak oinsá bele promove ai-han lokal hodi hadi'ak problema nutrisaun iha rai laran. Iha atividade ida deit iha Atividade 5750102 mak ko'alia kona-ba nutrisaun maibé programa atividade tomak ladún fokus atu orienta ba hadi'ak problema nutrisaun, kiak, inseguransa ai-han no oinsá bele hadi'ak liután familia agrikultór sira nia moris.

HASATIL mós nota katak iha MAP rasik seidauk koloka orsamentu espesíku ba KONSSANTIL nudár servisu koordenasaun entre ministerial atu oinsá junta servisu ho ministériu relevante sira hodi luta tuir objetivu ODS nian ba hakotu hamlaha, malnutrisaun no oinsá bele ultra pasa husi inseguransa ai-han ne'ebé sai nudár problema nacionál. Hanesan ita hotu hatene ona kona-ba relatório husi global hunger index hatudu katak iha duni problema malnutrisaun ne'ebé sai ameasa ba dezenvolvimentu iha rai doben ida ne'e. informasaun husi organizasaun internasional sira hanesan ne'e ezije ba estadu liu-liu MAP atu koloka programa realístico no bazeia ba kontextu iha Timor hodi nune'e labele gasta osan povu nia saugate deit maibé bele duni ajuda oinsá kore povu husi problema no ultrapasa dezafiu sira

Ita mós foin lansa relatório sensu agrikultura 2019 ne'ebé relata katak uma kain agrikultór iha Timor hamutuk 66% no oinsá MAP tenke uza didi'ak dadus husi sensu ne'e atu koloka programa no investimento hodi responde duni ba nesesidade povu agrikultór sira nia situasaun.

B. Problema / Dezavio

1. Politika ba seitor agrikultura seidauk sai prioriedade no hetan atensaun masimu iha prosesu dezenvolvimento nascional
2. Menus produsaun ai-han rai laran (insiguransa ai-han) nune'e sei kria hela dependénsia ba importasaun ai-han husi liur
3. Numero mal nutrisaun as ba bebeik
4. Seidauk iha politika ne'ebé koresponde ba situasaun rai laran hodi garantia statutu rai produtivu sira
5. Mudanca fungsionamento rai produtivu sira no minimu tebes esforsu ba utilija produtivamente rai produtivu sira
6. Seidauk iha atensaun ba facilidade bajiku sira nebe bele tulun hadiak produtividade iha prosesu dezenvolvimento seitor agrikultura
7. Seidauk iha kanal merkado ne'ebé bele fasilita agrikultor sira hodi asesu ho produtu potensial nebe iha
8. Menus partisipasaun joventude iha prosesu dejenvolvimento seitor agrikultura no seitor produtivu sira seluk

9. Sidauk iha esforsu masimu hodi haforsa konhesemento noabilidade tos nain sira nian hodi garantia servisu produtivus sira nune'e bele asigura siguransa aihan no nutrisaun nomos be kontribui ba hadiak ekonomia

C. Posisaun Rede HASATIL

Hanesan organijasaun ne'ebé hari hodi promove agrikultura sustentabel iha mos responsabilidade no papel importante ba sosiedade Timor-Leste ne'ebé ho komitmentu tomak sei koopera ho parseiros desenvolvimentos no instituisaun kompetente sira atu bele kontribui nafatin ba prosesu dejenvolvimentu iha seitor Agrikultura hodi promove sistema agrikultura sustentavel para bele atinji seguranca e soberania alimentar ho nutrisaun iha rai laran

D. Rekomendasau

1. Orsamentu annual estadu ba seitor Agrikultura presija tau atensaun masimu hodi difini montante ne'ebé bele responde duni ba alvu nesesidade ne'ebé iha
2. Presija difini estatutu rai tuir formu lasaun rai ne'ebé justu ba povu agrikultor sira
3. Governu tenki opta politika siguranca e soberania aihan no nutrisaun hodi asigura produtividades produsaun rai laran sustentabilidademente
4. Kontrola no redus importasaun aihan ne'ebé kapasidade railaran iha hodi produs no establese sentru laboratorium nasional ba garantia sirkulasaun produtu husi rai liur ne'ebé saudavel
5. Haforsa hikas papel KONSSANTIL atu tulun haforsa kooperasaun interligadu husi parseiro sira hotu hodi kontribui ba prosesu dezenvolvimento seitor agrikultura iha rai laran
6. Kria merkadu no politika ne'ebé bele asigura asesu produtu potensial sira iha merkadu nivel nasional no internasional
7. Formula politika no kontrolu hodi halakon produtu sira ne'ebé produs liu hosi produsaun fini GMO no halakon dependensia agrikultor ba introdusaun input esternu sira
8. Haforsa programa asistensia tekniku liu hosi efektividade servisu extensionista sira nian
9. Opta politika no planu ba haforsa modelu agrikultura sustentabel (Agrikultura biodiversidade, agrikultura familiar no agroekologiku)
10. Haforsa resilencia komunidades no opta modelu teknologia appropriadu sira hodi tulun atividades produtivu agrikultor sira nian

E. Konklujaun

To'o ba ne'e deit submisaun ne'e ami hato'o ho esperanca bo'ot tebes ita sei hametin liu tan koordenasau no kooperasaun ne'ebé diak iha tempo besik nia laran hodi bele tulun haforsa politika no planu dezenvolvimento seitor agrikultura iha Timor Leste, nune'e bele sai mos alternative seluk ba hadia ekonomia povu no nasaun ne'e